

## AUGLÝSING

### um deiliskipulag svæðis fyrir íbúðar- og frístundabyggð í landi Beinárgerðis á Völlum, Fljótsdalshéraði.

Bæjarstjórn Fljótsdalshéraðs samþykkti þann 2. mars 2005 deiliskipulag svæðis fyrir íbúðar- og frístundabyggð í landi Beinárgerðis á Völlum. Deiliskipulagssvæðið nær yfir um 6,3 ha skika í landi Beinárgerðis, austan Þjóðvegur nr. 1, Austurlandsvegur. Gert er ráð fyrir allt að 17 nýjum byggingum innan marka skipulagsins. Ofangreint deiliskipulag hefur hlotið þá meðferð sem skipulags- og byggingarlög nr. 73/1997 mæla fyrir um og öðlast þegar gildi.

*Fljótsdalshéraði, 29. ágúst 2005.*

**Ómar P. Björgólfsson**, skipulags- og byggingarfulltrúi.

## SAMÞYKKT

### um búfjánhald í Borgarfjarðarhreppi.

#### 1. gr.

Samþykkt þessi er sett til að tryggja sem best skipulag, stjórn og eftirlit með búfjánhaldi í Borgarfjarðarhreppi, með ákvæðum um vörsluskyldu og ábyrgð allra búfjáreigenda. Ákvæði um vörsluskyldu á jafnt við búfjáreigendur á lögbýlum sem utan þeirra.

#### 2. gr.

Með búfjánhaldi samkvæmt samþykkt þessari er átt við nautgripa-, hrossa-, sauðfjár-, svína-, kanínu-, loðdýra-, geita- og alifuglahald, samanber lög um búfjánhald o.fl. nr. 103/2002.

Búfjánhald utan lögbýla er óheimilt án leyfis hreppsnefndar Borgarfjarðarhrepps. Sá sem stunda vill búfjánhald utan lögbýla, skal senda skriflega umsókn til hreppsnefndar. Í umsókninni skal gera grein fyrir fjölda búfjár, sem halda skal, hvernig geymslu skuli háttað, haga-göngu þess og öðru, sem máli kann að skipta um öryggi þess og vörslu. Telji hreppsnefndin að umsækjandi uppfylli þau skilyrði sem krafist er, veitir hún leyfi til búfjánhalds.

Leyfisveiting til búfjánhalds skuldbindur ekki Borgarfjarðarhrepp til að sjá búfjáreigendum fyrir beitilandi handa búfénu né veita þeim aðstöðu til búfjánhalds.

Leyfi til búfjánhalds er veitt til óákveðins tíma og er uppsegjanlegt með eins árs fyrirvara, miðað við 15. júní ár hvert.

Samþykki hreppsnefndar er háð gildandi lögum og reglum um búfjánhald, eins og þær eru á hverjum tíma og er gefið út á nafn og er ekki framseljanlegt. Allt búfé skal einstaklingsmerkt eigendum sínum, samkvæmt reglugerð um merkingar búfjár nr. 289/2005.

#### 3. gr.

Allir þeir, sem við gildistöku samþykktar þessarar, eiga eða hafa í umsjá sinni búfé sem fellur undir samþykktina, teljast hafa samþykki hreppsnefndar til búfjánhalds.

## 4. gr.

Lausaganga hrossa er bönnuð í Njarðvík, Borgarfirði, Húsavík og Loðmundarfirði og er hrossaeigendum skylt að halda hrossum sínum á afgirtum svæðum. Um töku og meðferð hrossa sem ekki eru í öruggri vörslu, fer eftir 33. – 35. gr. laga um afréttamálefni, fallskil o.fl., nr. 6/1986 með síðari breytingum.

## 5. gr.

Með mál vegna brota á samþykkt þessari, skal farið að hætti opinberra mála, sbr. 18. gr. laga nr. 103/2002, um búfjárhald o.fl.

Samþykkt þessi sem samin er og samþykkt af hreppsnefnd Borgarfjarðarhrepps, staðfestist hér með, skv. lögum um búfjárhald o.fl., nr. 103/2002, sbr. einnig lög um afréttamálefni, fjallskil o.fl., nr. 6/1986 með síðari breytingum, til að öðlast þegar gildi og birtist til eftirbreytni öllum sem hlut eiga að máli.

*Landbúnaðarráðuneytinu, 26. ágúst 2005.*

F. h. r.

**Hákon Sigurgrímsson.**

---

*Atli Már Ingólfsson.*

## REGLUGERÐ

**um breytingu á reglugerð nr. 948/2002, ásamt síðari breytingum,  
um uppruna og ræktun íslenska hestsins.**

## 1. gr.

Í liðnum um knapa og og umráðamenn í I. viðauka, III. grein orðist síðasta málsgreinin svo:

Notkun reiðhjálma er skylda og skulu þeir vera spenntir. Hjálmannir skulu bera merk-  
inguna IST EN 1384:1996 og CE samræmingarmerki. Sjá reglugerð nr. 635/1999 um per-  
sónuhlífar til einkanota.

## 2. gr.

Reglugerð þessi er sett samkvæmt heimild í 19. gr. búnaðarlaga nr. 70/1998.

*Landbúnaðarráðuneytinu, 26. ágúst 2005.*

F. h. r.

**Hákon Sigurgrímsson.**

---

*Atli Már Ingólfsson.*